

中國方志叢書·華北地方·第二五〇號

據
未著纂修人姓氏
清·光緒年間抄本
影印

陝西 省

雒南縣鄉土志

(全)

成文出版社有限公司印行

中華民國五十八年 月臺一版

雒南縣鄉土志

全一冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市羅斯福路三段279之二號

電話：三七〇一三二號

印刷者：東南印製廠有限公司

和平西路二段70巷83弄29號

內政部登記證內版台業字第一一四七號

雒南縣鄉土志

小引

雒境僻處山隅宋元迄明屢遭兵燹正統以前舊志
灰燼文獻無徵惟自正統洎

清朝乾隆十一年經薛尺菴侍御纂脩若政績兵防
諸要事大略始可稽考今又百六十年矣奈雍乾嘉
道間卷牒散佚間取徵於故老傳述亦祇於可紀者
紀之茲謹遵鄉土志例編為四言韻語為便於童蒙

誦習其事略亦即詳於分註措詞亦惟期淺顯俾童

蒙易解云爾

歷史

洛水之南縣境式廓隋以錫名明改為雒

按本境以洛南名縣肇自隋開皇三年初猶從洛至明天啟元年避光未韓始改為雒

未置以前

溯自唐虞屬梁州地越夏商周界猶隸豫

春秋屬晉秦屬內史宏農京兆沿革靡已

本境隸奉山之陽禹貢華陽黑水惟梁州三代之
世復改隸豫州春秋屬告地秦屬內史西漢屬宏
農郡東漢屬京兆郡則於古之
分州已錯入冀而併於雍矣

漢迄魏晉以上洛名周改拒陽旋即變更

自兩漢迄魏晉切以上洛名縣後周登政九年改
置據陽郡領據陽一縣不久旋廢其舊址在今故
縣川

既置以後

越唐五代宋金元明為商屬縣則惟其恒

清朝之初屬西安府為時未幾仍屬商土

順治初先統隸西安府至雍正三年復隸商州

政績錄

前明

明初循吏推張公幾諸凡草創政教兼施

張幾又水人正統中為雒令潔已裕民治有條理
先是邑城草創塹堞不克玃鳩工築隍濬池營立
公辭學舍勸課弦誦民從吳化

考滿當遷雒民借寇官許遷新任仍留舊

其後考滿當去雒民叩闕懇留詔許以華州知州
仍留知縣事

後雖解組貧難具裝子孫奕葉籍寄祠鄉

速以老乞休貧不能归里遂寄居於雒其子孫今
為冠帶族

秦公宰雒俗猶瘠僻極力劝学文明漸啟

公名安麻城舉人宏治時為雒令古誼冲雅廉介
自持簿書清燕召諸生下憐講經義無間寒暑由
是民稍知学

趙琮為政才具卓犖振衰救敝小試牛刀

趙琮廬州人正德中由舉人令雒才具兼人試小
邑必用全力尤以恤凋瘵振文教為先務次第舉

措民悅安之

姚公愛民性不媚上寬免差徭罕設供帳

姚潤通州舉人令雒勤政愛民當明中葉俗益華
靡冠蓋飽遺不絕於塗或經過橫索夫馬供帳直

不應白吾不忍困民以媚
人也後官至按察司僉事

洪公儉約恤民愛士百俗俱興風俗鼓勵

軫念民艱痛陳礦弊遺愛在人內迂以去

公名其道屬城進士萬歷中除維令崇礼教恤災
患課農桑特方採礦公恐及維具揭帖為十不便
之議後礦禍一如其言他如善城沿堤編邑志章
節孝惠給窮簷威警張梗民皆化之會迂刑部左
事以去民為建祠

去洪未遠礦禍即作議減歲額賴楊公鶴

公多善政不次超迂未離閔隴提制三边

憂民之憂允稱循吏入名宦祠而洪并祀

楊公名鶴武改進士高歷中令維時值礦務方興採權而出爭趨其利惡瑯橫索課額破家流亡幫非賠納之害波及閭里官民府窮公力質礦使議減歲額萬金往復數四以去就爭僅乃得之先是色糧多飛訛公精心厘剔貧困得蘇米期年調長安思官陝西三邊提督今布洪公并祀名宦祠

徐公繼起判決如流痛恨礦賊嚴捕窮搜

公被賊圍民賦同仇旋因卓異擢赴階州

徐旭富順人隆慶中以貢除維令斷決如流水而德度服物當白花嶺礦賊猖獗旭窮率捕卒討之屬賊圍困百姓數十里內聞風趨救得免賊尋潰擢階州知州

若李公燦寬嚴並濟奸并汰除礮徒禁戢

救災捍患竭智殫勞民建生祠仕擢臨洮

公榮陽舉人知縣事知易近人時礮徒爭利相攻
殺傷日聞燦嚴法禁捕勢稍戢而防維武升為奸
利害民燦具狀白當路罷之一遇災沴必竭請命
賑贍大府薦擢臨洮同知民為立祠

賀公接踵賊愈恣橫千百成群盤踞林箐

單騎往諭公被賊圍寺僧拳勇得救公回

賀貢崞縣舉人提李燦恣雠雖當萬厯季年礮使四
出而礮徒所在盤踞恣為暴橫貢往諭遺之不聽
轉鼓譟圍貢役報格閔尽死用相毫寺借數百人
具奉勇奔救死戰潰圍得脫賊亦鳥獸散

剔弊鋤奸才尤敏練郇泰台棠至今永念

公在雒偵知文大台兄弟鳩旅人狀獄具立斃諸
衢時社倉寢敝遂移置城中為董正格法飢貧獲
濟尋轉臨洮同知民祠祀之

明可述者猶有陳公薄俗振刷節孝推崇

建三浮圖肇典科第分僅存一已圯其二

公名應顯福建洪縣人天啟初為雒令學問博通
以貢入太學趙家在官三年務勸學崇節孝俗敦
古處用形家言於城南建三浮圖今其一尚存
舊志載應即議祀名宦十人而自張璣至賀貢僅
詳其七餘若楊七元楊應儒景二陽舊志無實可
據殆古稱所至無赫久之名去後令人思者也

清朝

馮公宰雒疏免丁糧搶攘頓息安集流亡

德可感神双岐致異大旱作霖萬民心慰

馮公名聖朝河間選貢授雒南知縣雒當明末民
逾凋殘賦額率責取諸見戶追呼急趨之逃亡馮
公憂之輒卑騎詣大府請疏免荒地稅銀六千五
百餘兩乃長招復流亡季年遂有麥禾双岐之異
性尤篤孝侍母疾不御酒肉遇亢旱致誠雲禱輒
獲雨後以憂去

董公名襄湯陰進士父母斯民撫循備至

鼠雀爭端羞入縣署任雒五年政平訟理

董公康熙間為雒令內行篤修厚德宜民是時
國家初年海內雖處萬山中倉庾未復公所至撫
循課農桑厚糧俗民服其教益樸淳息忿爭終不
入縣門鳥久之尤移疾归上官慰留公賦詩見志
有四野民勞徒撫字五年政拙愧循良之句竟以
疾去

胡公作宰歲值凶荒設廠煮粥普救城鄉

搶劫橫行幾不可制除暴安良恩威兼濟

公名未祚上海人由選貢除雒令有幹能康熙三
十年歲大稔道殣相望乃於城鄉設粥廠賑飢數
月存活甚衆時閔內赤地數百里盜賊恣橫祚先
後捕獲二十餘名置於法境內以安

叙功授官有劉公庶時功墾荒計畝加賦

稅如加多即書上考節地倍糧民生莫保

劉庶江南小陽人以諸生進太學雍正四年大軍進征準葛尔庶從軍轉輸叙功授維令時直省勸墾往往飾報率科賦入現田中太史用闕土地為崇名而守令每以增多常賦署上考

公獨抗言謂無曠土礦害並除維民忤舞

檄至維公力陳維無曠土有不治者皆石田語甚切至是遂寢初維被礦害民幾無遺有自明隆萬入國初始掃迹乃晚近不見其害轉延其利大府廉得維孕五金下符議林公洞悉弊源徑以無礦力辭至官書四五反卒得報罷

性尤清勤劬農勉士民為樹碑善政歷紀

公性清勤常布袍乘

段歷鄉落問民疾苦而分

俸繕黃序購十三經全史並例頒諸書構尊經閣
度置及其去他民為樹碑道左以紀其政

暢公恤民優於撫字清俸慨分纂脩色志

暢公名休元以河津科貢任維康熙初寇火劫燬
民窶甚多不能入賦者元多方休恤不事追呼而
賦額亦無甚缺家素豐嘗捐貲修學宮纂輯邑乘
維民德之

陳公清直大類劉君減徵薄歛潔已愛民

公名武嬰字問野浙江海寧人由康熙乙未進士
雍正二年任維維賦故事銀一兩加徵八分名曰
使貲武嬰立除之民問買賣牛馬羊豕皆有稅公
取一市而足遠鄉慨不問其清直與劉君相類

何公樹滋鍾祥孝廉虛心求治敬老尊賢

創建義學增脩邑乘得士民心樂於用命

公為北籍祥縣舉人乾隆四十九年署縣事凡有
關於士類民生者汲々為之任維三年若創建義
學捐膏火定規條築獲城隍壩重修裴晉公祠土
未繁典而士民皆樂於趨事邑志中均為增入後
除略陽令以去

滿洲和公官維最久痛恨奸回勾結群醜

欺凌良善肆意恣橫嚴刑捕治境絕回蹤

私保滿洲人嘉慶元年除維令至十五年始解任
相傳本境向有鄰縣回民盤踞市鎮聚賭藏奸大
為民害莫敢舉發公痛恨嚴緝捕得渠魁多名置
於法餘俱驅逐出境由此回民遂絕迹

王公宰邑民頌循良善類獎拔惡黨遠颺

公名森文山東諸城進士嘉慶二十一年任縣事
廉介自持極力獎拔善類而尤疾惡如仇任雒之
日匪類皆越境遠颺數十年中父老之論循吏者
必以王公為首稱

文教關心創脩試院大厦庇承士民皆便

先是邑無考棚縣試動逾七百餘人皆自備桌椅
擁擠於縣署堂階每不能蔽風雨公極力捐措創
建試院號舍二十餘楹甚為寬敞士民便之

旋調蒲城貧仍如洗卒賴文恪送柩归里

道光三十年五月調蒲城循聲益著尋卒於官貧不
能歸櫬時王恪在籍居憂憫其為良吏也亟為
捐資送櫬以归